

白
華
詩
鈔

白華詩鈔

南漚 吳省欽 冲之

劍外集

起癸巳三月止五月

唐都關內以劍南爲劍外自內而外之也放翁
集名劍南蓋仍唐名之舊今之劍一州耳而其
外甚遼廣巡試之次惟夔府足未及焉所得詩
較夥釐卷凡四

惠陵

統正王分鼎園荒客拜陵三綱明漢賊一體託疑丞七
爲論才喪觴因伐國稱蒼靈聞上告赤伏見中興釁起

荆州借兵煩益部徵連營雖合沓亂轍太凌競遺勅宏
垂示歸喪儼式憑衣冠遊鳳輦樵採避魚燈豈謂降旗
豎徒教哭廟騰村翁喧臘祭詩史痛年崩尙憶全川劫
能呵複隧乘春鵲催暖序水鶴語寒塍綿竹陰交芑樓
桑氣自蒸翠碑殘綠字玉殿就金繩後主祠終廢宗臣
座特增夾漳疑塚滿臨眺孰沾膺

顧晴沙觀察坐上試蒙頂茶

蒙山影簇五蓮瓣旃平特書禹功建當時作貢無薺芽
玉鬚銀餅爲誰勸自侯銀餅試蒙頂放翁句誰披中頂栽八株鐵幹
棱棱記炎漢高者強尺低稠之采采爲期夏將半二泉

居士來錦江酌我一甌僅雙片展如柳葉病且黃泛若
雪花白猶嫩味之忘味行舍旃欲劑薑鹽笑偏粲迭呼
兩碗更三碗齷齪颺颺漱千遍初嫌交淡酒如元漸訝
回甘果同諫熱氣洒脫清氣生始悔淺夫少深見方當
茶信登上清欄楯重重撤孤院縣帖府帖紛勘磨絹封
箬封急關傳蛻遺鱗甲非偶然下視諸園土同賤君不
見諸園口業資賣茶幾代樵塲趨打箭禹功在山不在
此仙種雖殊何足羨君隣顧渚焙有期我住吳淞調無
券論古空思捉戍嚴通彞要識防邊善此山叱馭吾必
經莫以區區費茗戰

少陵草堂

出郭煙光淨分塍綠靄沈江關庾信宅涕泪屈平心弟
妹家何託賓僚道自任草堂頻往返感事劇蕭森
五載成都住憑誰寄少貲柴門江入盡錦里日留詩芋
栗比隣富干戈巨寇移元戎勞駐馬未必有艱危
堂廢猶存寺蒼碑蝕瘦蛟映階縈薜髮隔院引藤梢佛
火寒初地貞魂戀樂郊清江南浦外辛苦幾編茅
浣花溪縱好我愛浣花翁遺象風塵合孤名海岳同杜
鵑啼慘切樹影迷濛不比雲亭蹟荒苔沒舊叢

訪石室故址

禮殿迹已銷講堂址猶在俎豆揚莘莘西京澤斯溉是
邦服俗移西南仰都會子雲字體奇長卿賦心內誰知
黼黻才教自循良輩太守來漢廷率廸著風裁受經與
草元承學啟龔黷圖象嗟不存弦歌幸無沫森森柏映
階淺淺草侵廡未聞稷下談庶見鴻都槩代興有高朕
粟主食堪配獲醜賦言旋吾將此釋菜

得王述荅考功軍中書却寄

絲管紛紛聽浹旬書來窮微話前塵江湖疎火雙鑾鎮

丁丑二月事

秋暑微風五鳳闥

戊寅六月杪
同赴閩直

聚散畧經棋換

局飛沈那問路迷津一聞挾纊軍心煖劍外官人冷亦

春

棘門灞上耀雕弧細柳分明說亞夫策効平蠻信公等
文成論蜀倚吾徒戰場舊識鯨池劫陣法新懸魚復圖
答報昇平無大劍腐儒襟抱祇區區

漁莊歸隱杳難同峯泖文章兩考功

羹仲官考功主事

不比軍

寮徵杜老尙煩禮殿訂文翁

來書有倡修石室之囑

吾循鬚髯侵

霜白君對旌旗裏血紅借問門生來捧檄亭前可復載

卿筒

謂鑑南

淒涼破瑟促湘絃家問應教我替傳嬌女知書依塾右
老親善飯倚閭前投非孤注呼能轉識是當歸夢定圓

目斷馬蹄忙送喜剪燈先掃屋東偏

武擔山

玉魚蒙葬地遠擔武都泥絕豔山精化歸魂石鏡迷露
華凝黛粉春信過棠梨太息升壇業蒼茫杜宇啼

青羊宮觀銅羊

青羊宮左羊帖伏十指捫摩滑如縠遂寧相國供道場
不自屠羊肆中鬻

漁洋初至蜀尙有石羊再至則失之矣今羊係遂寧所施錦官古

城稀勝遊石室元亭莽平陸城南騰蹕信馬蹄記說關
門度函谷傳經豈待河上詮後會還從蜀中卜尹于羊
肆來克期一笑忘言慰幽獨金文照耀誰共窺紫氣縈

回那留宿爾時爾羊知在無不化青牛角殼觥一從灰
叔經紅羊陌上銅駝草先鞠唐宗故事祠混元莫怪黃
巾誣七曲坑儒之厄茲適丁月黑天陰鬼紛哭爾羊幸
不生爾時免與鼎羹付錢局

獻賊詭稱試士驅至青羊宮殺之又括蜀藩所蓄古

鼎及城內外銅象鑄大順錢

方今討逆越松維輿走麇驚賊日賊羊

如有神能觸之筮像于門酬亦足區區戀此復奚爲銘
字無多且百讀流聞疴癢關剝膚恣摸羊頭及羊腹手
所乍到痛輒蠲醫院銅人效同速我無美疾惟諦觀琳
宇盤桓媿清福豆瓜灌圃水泔泔松檜翻堦風謾謾鞭
之不動叱不謫何處五羊穗啣穀

薛濤井

曹郎推拔書乃有良家女塗粉兼掃眉芳名動軍府錦
江春色多閉門枕江潯長波染短牋紅采映霞縷裁書
固慙慙得句亦娉嫵英英枇杷花昵昵鸚鵡語志墓得
鉅公豈直爲歌舞人去井到今井存人益古湛然林竹
邊汲綆禁攜取載訊碧雞坊吟樓鮮遺礎

鑑南戶部於選格當注鄜州牧頃權重慶倖事
赴營以詩寄之

不到梁州命不眞當年乞外只緣貧且收弄筆分牋手
慙作評柴運米身詩老例應踪寄蜀選人格本路經秦

芋田槿布知何許欲聽渝歌渺後因

蓬婆城外檄紛催縱說從軍異秀才礮火晝青穿幕至

匣刀夜嘯破礮迴賓僚落手能磨盾師友謂述菴談心

或舉杯莫道鑑南佳識少劍南也自鑑湖來耳山以君號鑑南宜

有劍南之役故及之

課庸編竹籬作

九種珍川植家家竹影篩鋪堂看擘簟護宅教編籬磊
落休芟節扶疎爲斫枝紛排同簣密橫槌戒根欹短短
墻先及疎疎徑或窺貓頭成象蚤鹿眼命名奇也許牽
蘿補寧煩插槿爲黃蘆嫌樸遯蒼枳笑離披地濕欣通

透風威耐壓欺安排重九會采菊賦新詩

駟馬橋

斥鷃守枋榆高鴻翔寥廓男兒志四方意氣恣陵轢長
卿東受經師命守維恪忽櫻結駟心遂著題橋作賦性
本輕華安肯戀窮約入貲願已違薦文履尤錯他時羈
矢驅邊徼耀開拓遜水告成梁名都驗懸竿居然精衛
填家江晒涔勺小儒急功名鄉里盡罹虐雖前滌器羞
奚當棄繻畧雄藩稱七橋占象應星絡茲橋跨細流徑
丈喻橫約貴時衆悟希賤日士懷忤明經取青紫漢代
俗先薄亦有敝貂人蕭條感垂橐

爲研齋明府題竹磻清陰圖

磻邊疎竹竹邊身冷翠無多也絕塵爲謝好風翻月影
蕭蕭長和苦吟人

滄浪亭子鎖莓苔曾倚朱絲汎碧洄今日衙齋清似水
那無小史抱琴來

黯淡秋痕點越羅錦城相見意如何試拈竹嘯軒中句

二十華年委逝波

圖作于甲戌
有沈文憲記

食杞

官厨如散僧放箸厭豪侈畦韭先破禪聲價壓琅綺竝
誇蜀薑鮮焉論巢菜美意行百無求忽見圃生杞綠糝

糝茸茸青蕤點藥藥采宜茶候籃淪用井華水亦知苦
寒性終得清淨理蔬香帶藥味芳菊庶堪比嗟爾名類
繁釋詩昧宗旨爲吟隰有篇枸櫞實徵此寧煩鹽豉加
況及蕨筍始謝彼肉食相來佐管城子

喜得少鈍大安驛書

乍辭蜀棧闕秦棧不寄家書附客書題處近仍千里內
到來迅已一旬餘爲言唱賭雙鬟杳祇願烽傳隻堠虛
風便訊煩通幕府節端歸準慰門閭

雨後

夜雨響新瓦攬衣何限心數聲啼鳥緩幾處落花深遙

獻吐微翠疎窻含薄陰幽人倚芳樹無語坐調琴

仇英阿房宮圖

絳宮鱗鱗蕩霞綺鳳旗五丈豎梁底帶河踐華是皇州
那惜咸陽三百里金銀隱見列仙家複道如弦馳翠華
照胆直懸龍鏡古娛心長倚雁筍斜輻輳東來卷衣散
美人鐘鼓籍炎漢一闕繁華焦炬飛沐猴狂笑成奇觀
土木爲妖大厦歆未央黃瓦又開基豈有遺風閔周室
祇餘明月照秦時十洲作畫矜亡轍渭水驪山幾興滅
賦才慙媿杜司勳禪蝨吟成漏悽絕

題合裝吳興諸趙畫幅五絕

土淨煙空點欲無一花一葉惹秋蕪
水精宮裏王孫盡

憔悴何曾似左徒

子昂蘭

蘭亭小字認斜行
磁斗蘆簾位置當
非九十三莖亦好

祇應呼作水仙王

子固水仙

蒼涼翠袖感蕭晨
林下風標本絕倫
埽出數枝斑竹影

湘夫人對管夫人

仲姬竹

一蹄一齧一嘶風
韓幹丹青肉近豐
留配乃公圖滾馬

不知文采爲誰工

仲穆馬

二王法帖三蘇筆
閨閣論才畢竟難
如此人家如此手
玉鴉叉上幾回看

騎射

淵雲久不作卓郤安可無蜀都美遊射選士成一途腰間大羽箭腰下龍文駒飛光激流電鼓吏交雙枹近前紛唱喏神氣中晏如頻年亟西討失伍嚴逃遁廝養亦無赦民壯皆堪驅小戎解大義爾豈忘執殳戰功庶以邀射經惜以迂井儀數前典一笑良區區

明莊烈帝御履歌

履以布爲之簽記製造年月及工價有貯後門外西什庫者爲賦是篇

信王邸似代王邸璽綬光迎作天子已憐末造覲黃星

乍拾遺聞補彤史布履標題出內家公桑采采屏鉛華
宵長幸罷提鈴警晷短爭從添綫誇尙功四屬首司製
繡綦彩紉互聯綴揣稱停勻玉趾宜鉤稽瑣碎金刀計
孝陵徒步起江東芾舄焜煌來會同每見高昌輪白疊
那論蜀道貢黃箒視朝繩非傳家法中葉衰頽大璫狎
牌禁先同敝屣遺山呼要把文綸壓手除元惡運乾綱
滕袴曾勞七首藏邊城敝告犍尖踢草澤紛乘屨底芒
履霜不戒堅冰寸附螳屯螽帝京困六宮香麝半捐生
豈有官家事行遞天步艱難日脚沈高槐散影泪沾襟
飄然隻履升西土識記流傳何限心起居當日甘卑惡

銅輦樓棚映帷薄拆綫終虛報國材曳聲真散朝元閣
百年踐土 德兼威什庫留踪鑒式微摩杪忽記開平
甲奮跡南陽是布衣

屋漏

山泥黏壁席鋪椽有罅無光溜急穿滴瀝銅壺聽未準
模糊漆簡寫難全風來東北稀乾土
吳諺東北風雨太公路入西
南本漏天誰道雨衣能勝瓦征蠻小隊去如煙

附
和作

姚蘭泉 秋塘

花版重重瓦亦全却留方空雨痕穿響隨壺底疎籤
滴潤及床頭破瑟懸坐對半同晴隔敞放懷祇任觸

虛船故園歲歲秋風裏老屋蕭條賜壁眠

蜀錦

開國尊蠶叢授時習蠶市迢迢天漢間占星粲遐邇夜
來支機石落地詫恢嵬其城名錦城其水號錦水水波
如練明濯錦遽增美綜染匠作窮輪募院司倚側聞九
壁村雜組蔚霞起作貢咎暈繁告身盤毬委折枝與象
生到眼眩金紫蕃馬千百羣折換數難紀論價壓花羅
馳聲先粉紙邀牀多士夫纏頭誌歡喜豈知寒女梭軋
軋皴十指我觀布帛饒寶賸載前史黼黻推卿雲大文
廣衣被斐成雖燦然所貴豈在此國家罷錦官匪直

戒淫侈纂繡害女工不寒政攸始欲求七襄報頗媿九
張擬白賁笙邱園闇然貴貞履

蟬噪林逾靜

杳杳復沈沈蜩蟬沸暮林噪疑驚座吻靜悟樂山心澗
穢身須蛻清華口漫瘖孤青迴石響一碧走商音促數
攔街唱蕭疎落葉吟聒來方嚙嚙翳處轉森森涼影雙
搔髻幽期獨理琴殘聲風曳去知隔幾重深

孫夫人按劍圖

太阿搖搖光逼座步嶂明珠秋水大如花衆婢刀在腰
那有夫人銳翻挫阿兄斫案怒冲斗劉郎劈石如拉朽

雌雄會合賊膽褫誰嫉師婚啟戎首攔江鼓吹喧歸寧
惠陵弓劍天沈冥杜鵑亂啼老噪哭荒磯風雨宵揚靈
我聞長鉞短匕習吳俗教戰深宮法尤黷斬蛇事業鼎
三分二喬亦把兵書讀金幄采旄擅霸才望夫戀母恨
難裁傷心爲語熊羆將休作江東貉女猜

屢得璞函戶部背嶺軍中書却寄

少年同學壯同官同宅同居誼最難豈意獄詞連口漏
故教戎幕覓身安郝隆語熟羈蠻府劇孟名高倚將壇
尙憶淇泉驚執手君行我返涕汎瀾

筒詩雄健迥無倫犵鳥猧花點戰塵不是曠懷經決盪

那能瘦骨露精神魚將安訊排都準雀報歸期驗少真
差喜年來官入手俸錢且療一家貧

萬里迢迢戍出滇東山零雨訂三年還從萬里橋前去
更把三年徼外捐金甲春銷霈荷耒羽書曉勘替籌邊
誰知烽火連營夜重數行藏寄矮牋

幾輩荷衣上學堂孺人也離藥壚旁挈來老僕逢迎慣
謝去佳兒往返忙何處班荆聯舊雨今朝題扇記端陽
同爲歷井捫參客見面無緣只異鄉

雨發成都

行人未發雨先來雨歇雲濃撥不開衣上痕沾非濯錦

簾前響走似離堆更愁甲士添寒瘁敢信丁夫減熱埃
籬外槿花煙冥冥短簑高屐插秧回

雙流

金花橋外路金翠別龜城響驟雙江冥煙疎一縣晴馬
蹄山驛遠鷺頂水田清瞿上留祠墓臨風空復情

新津渡江

一江三四渡一渡兩三人淺草飢黃犢亂蒲行白鱗近
山低似屋好雨細於塵何限桑麻影濛濛夾去津

邛州使院古桂行示姚秋塘陳六峯

桂乎桂乎不爲高節竹挂我綠崖涉坑谷又不爲連株

桑陰陰十畝枝拂墻山精木客咄荒院爾何連蜷不死
翻昂藏一東一西作人立高者如拱下如揖今年小暑
作黃梅雷火搜空夜靈泣服食劉安太遲回倚眠吳質
增鳴吧州城之南大成殿兩階老樹眼親見劫脫魚羊
物有神吟邀蘭竹時同賤用香山廬山三詠語歲華晚晚如汝何
要汝作花要我歌我歌雖好姿婆娑勿使黃爵紛爭窠
君不見鷓鴣一聲衆芳死涼影團團拾桂子

題楊邛州吟風閣曲譜

紅男綠女鬧連廂南部煙花點綴忙却把湘東三樣管
教人枯淚濕淋浪

曾載箏琶沂玉京舊人一一米嘉榮竹枝夜續巴猿斷
滾作梁州意外聲

臨邛佳話播千春導弩挑琴有部民艷殺唐蒙開蜀事
班師偏說渡瀘人

倚閣吟風苦費才康王樂府冷如灰木床自度楊家曲
誰付梨園菊部來

邛州咏古

郭裏山光郭外田人家團住竹林邊寒侵伏雨辭瓜果
路控征蠻輟管絃挾彈有仙張遠非孟景回槎何客是

張騫邛江一掬東流水但聽濤聲亦惘然

樹喚鵲鷁瓦竄麕誰將高厲訪君平支機石爛年磨碣
賣卦錢空臘沸笙一鏡似煩神物護半簾已令世人傾
劇憐卜肆從遊侶投閣蕭條草蔓繁

謝承後漢書遵雅性高厲曝書亭集

有君平
遺鏡歌

好片銅山屬鄧通後來程卓竝稱雄先驅負弩爭諧汝
雜作當盧故惱公車騎易因賢令重琴絲難得美人同
犁田也發耕夫慨幾甕遺錢暈碧紅

僞學紛紛待別裁鶴山風義拔塵埃黨爭苦恨朝廷小
侶課欣聞伯仲陪畧比胡安垂易洞謾同司馬築琴臺
迎暉閣下經三宿欲辦心香冷未灰

長卿琴臺

雍容車騎出塵來一曲求凰絕世才
餐遍春山眉黛影粧臺不見見琴臺

西禪東封話後車蕭條病肺恨何如
平生未負凌雲賞爲有垂堂諫獵書

文君井

臨邛亦都會街南競施綆銀床幹未摧
碧甃石猶炯不土并不甃輪囷選諸嶺
自非損嫁錢安能辦斯井獨疑壁立人
典裘走如鋌兆巽羸瓶凶用宜滌器洞
綺琴對綠鬢鑑此春風影一從餘潤分
買宅謝公等如何白頭

吟無波心耿耿覆水恨難收高山賞誰省將母消渴時
祇酌金莖冷古來辱井多汙比塗泥淨名士悅傾城遺
區劇淒哽畧存放誕名未構清華境陵谷幾遷移門楣
尙微偉回睇遠山橫眉痕學妍靚

大暑前三日霽登迎暉閣望灌口諸山積雪

我行觸暑弭雙節十數晝夜天瓢傾青袍分行竦于鵠
簷溜奮奪蒼蠅聲亦登高閣縱懷抱濕雲如絮團彭亨
曉來鼓角響瀏亮却怪乾離無一鳴好山知我課晴意
芙蓉幾朶排修莖亂峯西北入深處倒射朝氣搖光晶
鱗鱗鱗鱗界微白點綴禿髻頭孤撐寒暄氣候變殊域

謂是昨雪飛三更不然巨靈技偏癢一角戲截我帽平
獠奴拊掌笑無那雪山公豈忘嘉名是山眠亘傍湫口
西岳佐命尊青城太乙九仙闕巖洞以此封徑人難爭
鴻荒到今古萬萬澌流霰集誰虧成漢蕃分戒繫誰力
此山此雪長崢嶸比年兩酋作嶠負鳥道如綫驅天兵
弓韃屨扉出鄆灌萬幕喧注紛瓶笙當其雨止雪轉橫
雪霽又聽奔雷轟夏蟲語冰可三嘆空展簾簾敲棋枰
夜棉午扇我尙爾千餘里况懸邊營中秋果餽此堪喫
無負雪月輝泠泠

復霽登閣望遠山積雪不見

鳥翅騰騰隱翠堆高寒誰見雪皚皚衡雲海市空雙絕
伏雨關風僅一開六月登樓嫌好事幾時蠟屐媿非才
優曇花影眞彈指萬喚千呼更不來

白華詩鈔

南匯 吳省欽 沖之

劍外集二

起癸巳六月止八月

發邛州宿百丈驛

驛後有栖霞山

日出城烏飛喜色動徒御漸移晝堞陰遂截綵舟渡流
泉浸良苗淡煙隱遠樹頗覺所歷高罷飯大塘戍前峯
知幾重點點引涼鷺複翠生柴扉孤青下松路廢縣雖
不存孤館幸如故亭亭衆曲屏座後作環護江南一髮
山僧紹渺何處笳鼓且勿喧迢迢夢歸去

金雞關

大雞何昂然高戴大蒙頂我循蒙麓行彼雌伏其影不
飛復不鳴金距爲誰猛豈知乘樛人旅平費咨傲厥背
田可犁厥齒路能梗守關纔一夫老瘦目微眚語我行
嵩南絕險推相嶺羲娥半晌晴杉檜六月冷顧此如穀
雛雙轡請徐乘險夷遇有常在心豈在境慎毋怯小敵
盍且視平等嗟哉折臂翁浩歌忘酸哽下望蒙陽城一
環滃煙井

蔡山

今名周公山

昨發百丈驛遙見周公山爭長惟大蒙西東聳兩鬟何
年鑿混沌界以江勢潏高低繚千堞左右縈七盤

山名堂

堂武鄉侯在昔勞駐鞍周情與孔夢寤寐儀心顏自來
伊呂儔豈屑蕭曹班伏弩示神授缺斨歌生還所嗟冲
幼姿晚節終惛孱要其作廟初降鑒驚百蠻羌髻誓牧
野公亦殷痼瘵欲語戒輕吐下有龍穴蟠

平羌渡望鐵索橋

平羌江口浪花惡我之渡江竹箴掠從船則危橋則安
指點橋頭板橐橐優游掉臂同石缸熙穰摩肩勝木杓
彈夫笑我言大弩險艱如斯逾衆閣有剛百鍊柔繞指
紛鎖交鉤亘蜎蜎一絲孃孃百丈牽雙杙丁丁兩厓削
枯椿瘦鐵相撐扶如艇在背脛在脚版之被鐵纔一重

不橫而縱罅歷落幾人窘步爭捷徑作隊踉蹌似猥獍
足所未到腰已軟搖颺風旌了無薄四顧絕岸先徬徨
下瞰澄潭尤錯愕前年負戴過者多十條索截七條索
千夫瞪視慘呼洶白日青天餒鮫鰐而我聞言起三嘆
夷險信天倍寬綽古稱州域置繩橋人說星文應井絡
唐蒙發卒馬卿諭漢代沈黎遂名笮連峯蔽日陰檀欒
繞郭含煙響膈膊我儕題柱志未殫爾輩成梁庀誰託
使節還須瀘水行廟謨那數靈山拓嗚呼安得此索飛
度刮耳崖加頸銀鐺二首縛

雅安使院雜題

三面滄江一面山山城兩戒控諸蠻誰知饒饋軍裝外
多少青袍迓北關

鎖院新營近頻宮百金誰買小玲瓏推窗細數朝曦影
偏似平羌水向東

院齋東北向

蕉紅蓼紫水添瓶祇欠龍觀山一角青忽聽閣鈴墻外
語幾時借作看山亭

如睡煙鬟枕月心半迎朝霽半含陰峯巔百頃平於掌
未許樵耕借徑侵

盲風凍雨昨消除簾簷連杙丙穴魚邽記青衣橋上過
幾曾撒網見村漁

暮暮朝朝白紵衣掠檐蝙蝠到偏稀撲來謾道蜻蜓小
此是花蚊作隊飛

木桃花與海棠同結子曾教賺獠童饒殺林禽酥樣軟
搓來也似佛脣紅

罪言才氣紫薇稱親把阿房示武陵爲報虎頭更癡絕
惡詩重與夜挑鐙

昨和凝臺四詩寄示晴沙頃見
報云病中挑鐙讀之霍然起坐

雅州得補山學使貴陽書却寄

君按黔中我蜀中當年蕩節往來同犬能吠日情多怪
驢解鳴山技易窮敢比江湖懷魏闕故應鄒魯變夷風
青青不及筇枝影一路陰連貴竹東

銅壁峒峒瘴霧昏短裘身裏待招魂已無堪驚諸吏
薄有涓埃動至尊衛婦下車言未敢楚人泝統價休
論祇憐解糗金盤會爲殮荆釵返玉門

髦牛徼外對床難遠問傳來強自寬一字盡能關痛癢
幾人曾與念饑寒征夫病婦團團夢嫁女婚男黯淡看
話到隔牆居住好喜心多遺泪痕乾

羈縻古郡穴關巖三道懸軍問不庭新驛細籌諸葛筆
雄關遍勒孟陽銘橐垂爛顆沙漂白梯突危礪髮繚青
慙媿枝官閒袖手檯陰榴火鎖深廳

柏棚

朱藤颺歲蕤青豆結絡索如人建豎成山林異臺閣所
難叫嗟辨孰禦暑雨惡我行楚粵黔郵館恣評泊每見
簷落間槿竹挺垠塢上有松樹毛團蔭若油幕旣避天
飄淋亦障火傘虐透風涼疎疎滴露潤漠漠持謝金華
人支篷例可削雅安圍萬峯試院翳林薄誰叅柏子禪
采采布枝格鸞翎翅襪襪佛頸掛瓔珞綠移芭蕉菴青
亘葡萄幄惺忪漏影纔郁烈沾香各大可資游盤了不
費工作焉得萬千架彌滿置村郭側聞聲罪師饒道鑿
巖嶢苦無戎車芘兼少版屋託當其凍雨飛桂楫卽不
若是棚幸預籌負戴免溝壑因思老柏塗歲星果善龍

隱語我謾能百朋賜休卻

登雅州城樓和杜凝臺觀察韻

丹樓浩浩湧蒼雲
蠻府陰森號令分
出塞刀弓移竟夜
上天芻粟點斜曛
雪殘斷嶺猶封夏
瘴接諸溪却化雲
回首成都連沃野
椎牛端合饗千軍

萬帳堂堂左右中
孤城南控首論功
蔡蒙旅幣堯封儼
沫若成梁漢節通
玉馬詎應朝小醜
金貂何止被元戎
紫光閣上圖褒鄂
奏捷還看系贊同

刺閨書裏漏丁冬
遣使頻過百二重
每有羌情探夜尉
幾曾嚴道廢春農
礮車箭服軍資重
鹽井茶場市氣濃

多少金錢來內府翻教率口免輸資

雅雨排宵鼓凍聲振衣臨眺默關情嶺銜大相須銘碣

江識平羌且滌纓武庫胸羅聞獻月文壇目眇媿披睛

烏衣門巷

謂徽田比部
蘭泉吏部

多磨盾倘許傳看到列營

黎椒

楚產喻芳馨晉產喻蕃衍黎產今最良縣齋歌勿剪山
家分種繁尺寸爭孤嶽素葩春蕤蕤紅實夏纂纂屑食
差可調初佩不容撚文成木叔奇譽壓天仙顯惜哉吐
葉初未飼野蛾繭而以薑桂材物土俾充選我握誰與
貽我頌誰與勉檟木郭注徵蓍藪陶篇撰嚮非五行全

焉得濟盧扁彼哉昧履支

胡椒名

壤號屏前典

黃連

荒徼嗟不毛藥物重斯草葉捎青鸞尾根攫黃雞爪冰
檠兼苦寒歷倒蓼蟲蓼當其處巖岫物色競來擾長鑱
白木柄託命謀宿飽市販秘多多土貢備稍稍豈無熱
毒病開囊藉一掃重典施亂國元氣虧不少瑤光蔑幾
極琥珀苓四遶斯皆王氣鍾仁壽世長保所以皇天慈
擯爾產嚴道良相如良醫喻大言則小

將之寧遠寄查丈儉堂觀察美諾

七年前送功都去我赴功都見轉難出袖縱教懷素札

賜環仍復滯雕鞍
摩沙舊種傳謳遍
滴博新營按部寬
願及天河洗兵早
細傾尊酒話長安

謗書薦牘兩侵尋
雨露雷霆感涕深
率屬有才存衆口
留田何策得蠻心
休將蜀道論難易
祇要王師識縱擒
試上層礪瞻木果
陣雲明處角聲沈

轉粟青天嚮未疎
營平十二比何如
計分軍國資籌箸
勢控華夷藉補苴
昔夢待持津水蟹
全家猶食錦江魚
借山居畔松篁影
却望桃關似故居

驂鸞錄罷錄吳船
宦跡經游儼後先
馳傳自惟行遠道
枕戈公已過中年
瘴鄉齒脫天曾顧

觀察曾守粵之
太平當赴守寧

遠入觀時奏及齒脫
上爲注視久之

雪成腰埋賊未憐

借用元道州語

正是黎

風兼雅雨瑣牕投筆漏痕連

聞璞函殉難木果木以詩哭之

傳來依約聽分明喪亡蒼黃百里驚帶職諫容譏入幕

論兵畢竟悞移營書沾雅雨生難逮

初八日尙有書致之

骨陷沙

場死亦榮淒斷一軍刁斗夜殘星黯黯影熒熒

六載抽豪傍帥旗凌雲舊賦

九重知敢言識字生憂

患頗悔從軍起別離金帶圍腰遷有敘茅檐曝背話無

期

他時曝背茅檐底半話金鑾半玉門璞函舊句

惟楹草草供雞酒兒女長安

哭望遲

君過成都我遲來我行越嶲鬼紛哀拋殘卷軸牛腰鉅
檢到衣冠馬革乖握手至今通夢寐酸心何路問興儻
平生知己原無幾試撫牙琴響頓摧

雨抵榮經

竹霧沈冥石磴遙棕櫚葉暗接芭蕉楚人聚落空嚴道
漢相威名始孟橋峯勢極天圍古障澗聲終夜打秋潮
來朝走馬關山阻欲醉芳樽意已消

過大小關山

關上復有關山上復有山關山陡上更無下一下百上
增屏顏初如螺旋後蛇蛻步步紆折腰彎環粗者爲砂

大者石石礪陰森卧蛟脊晴天白日轟怒雷亂洒飛湍
打行客林虛簣密熊虎驕畏險不我爭秋毫危峯壓人
面休仰颯漚愁煞陰風搖野店蒼涼傍荒戍歇馬店前
倚枯樹山家却指相公嶺如此關山是平路

大相嶺

既拜丞相祠遂陟丞相嶺祠荒嶺更荒石簡怒交迸一
鞭蝨其間尺寸靳移影碎石軋馬蹄危轍墮人頂所喜
身歷高下方瞰智井蓬蓬鋪白雲萬古混浪濤得母龍
與蛇噓氣蔽曦景蟄物忌陽靈鼓角響斯屏當時景川
侯隻手選頑獷爲德苦不終鼉行命須併不知未選初

丞相轡焉乘時清險自夷世亂坦皆梗我亦渡瀘人吟
成越羅冷

清溪

僕馬盤雲下邛人雜笮人孤城浮薜荔數口託蒸薪瘴
遠山仍合泉枯咽未勻闌風吹到曉百里劇清貧

白雞關

關上有伯奇廟
俗訛爲白雞

吉甫真雅材穆如被弦誦云何疑掇蜂有子隱啣痛茲
土周髡人風教阻愚蠢淒涼履霜操傾耳聽誰共廟貌
儼降靈關名誤起訟白雞瘖無聲今古罕折衷翻疑裸
夷俗詛盟爲援重十姨詩老訛百牛聖門哄要知純孝

心慄慄格有衆拜罷登筍輿下關如入甕

大渡河

南條尊大江木塔溯戎微濫觴非自岷特以禹功導平
羌首效職直下卷飛瀑是川不受成突起勢雄鼻蚴蟉
青龍尾矯然作東掉尋源在土番到此極票姚雖亦歸
夔門其利溥黎徼竭來萬工坡牲醴異神勞絕壑戒舟
航縣流戍旂纛大澤徙龍蛇深山遷虎豹如何畫斧人
斷渡棄南詔智乃遜韋臯積弱可先料擊楫歌慨慷何
時計魚釣

宿白馬寺

山雨分龍洒未勻一程泥淖一程塵三家絃誦超牛種
千戶簪纓厠馬人黎州土司馬姓自言岱後幾輩使星留絳節當年
佛火脫紅巾階前雙樹吾憐汝如許婆娑兀幾春

自大樹堡至河南堡

亂石堆連亂棘堆栖栖犯暑上崔嵬泥交虎跡腥難散
風送花香瘴易開折坂舊驚行道夢籌邊終藉濟時才
征蠻箭手知多少細數秋風畫角哀

曬經石

白馬馱三藏能消水火災石壇平似掌猶自曬經來

聖泉

武鄉定南方感恩念魚水行軍逢啞泉瘴癘固有此冷
然一掬甘聖藥在清泚酌罷笑啞啞如痿勃焉起毒涇
病遂多望梅渴先止古來司馬法往往託神鬼地可證
黃圖事乃畧青史試觀南站山山寺雲嵩美名蹟雖稍
移依舊瀉瀾瀾視彼拜井人盛跡庶倫比精誠天所憐
煩擾靈或徙斯語出啞羊作詩聊記里

發平夷至深溝

平夷山未平飯罷戒徒御盤紆千百折礧聲撼高樹團
團覆蒼雪冬青作花處離立一二三空腔鐵生鑄合抱
蔽畝宮窺鳥驚復去前行更怪偉濕毒透涼霧蚬徑時

斷連沒水學屈步脚軟心蕩搖清磬出孤渡烏盆紅欲
然龍爪黃競吐何來綠髮人古木蘚痕互峭壁臨夾谿
四絕女蘿附連朝苦扳躋恐恐失佳趣此如秦棧幽煙
霞足沈鋤田荒無可耕焉得結茅住

宿海棠

花色繁西府流聞舊繞池亂雲攢古市雜樹冒荒陂馬
客秋通販銅官晚整炊卽今逢處暑已是雪飛時

越雋道中

黃綾封勅馬蕭蕭弓箭行人各在腰行轉前山山更轉
深林暑月不聞蜩

東西流礪健於龍無復茅亭覆磴春一樣煎茶坪上雪
秦山回首白雲重

一閃紅轟礪走山筍輿推挽仗花蠻何人爲譯侏僂語
鸚鵡成羣降樹間

嬌紅姹紫鬪春前幾串珠毬夾翠鈿怪底姚家花樣蠢
秋來別占牡丹天

魚洞原無潑刺波村村槩瓠種遺多從今會得吳儂語

畢竟羅羅是猓獬

羅羅河一名猓獬
猓獬吳人呼狗聲

曾貢華絲被麗娟百花妙舞影蹁跹君看萬本冬青樹

祇剩貧家種蠟田

禽幽果怪未知名枉遣蠻司管送迎莫忘鯨鯢封骨處
旌旗如血大刀橫

涼山面面遶貔貅聚米輿圖掌上收只是嶺家舊城寨
土人偏說廢蘇州

小相嶺

羣岳尊華嵩二少佐二太相嶺時川南名不厠蒙蔡黎
州百廿盤仄徑愁旌旆憶昨經蠟關三舍路通秦豈知
操縱權造化弄狡獪驅使石丈人扼要肆饕害峻嶒棧
巖間十趾劣如鈎前有一綫厓下有萬壑瀨旁有千章
木青蘚髮縈帶濕霧噓毒淫寒颺埽盲昧一降翻百升

天梯絕附會夜叉隱伺客依約山脊外吹落侏僂聲猱
夷信無賴羽扇緬指揮銅鼓感鏗磕重關鎮上頭衢祭
應未艾津梁嗟已疲孰能爲之大

下相嶺歷象鼻至白石塘雨大作

下嶺馬足輕微聞僕夫語來程皆小坡息肩謝邪許峽
泉輿下行瀘沽滙支股漸西勢漸驕萬山更幽阻化爲
蠻象奔鼻卷脊尙俯臃腫堆困輪戍削立城府兩巖鬬
欲傾一闕葬行旅藉彼白玉龍鴻溝判漢楚奈何飛上
天作陣打急雨洞門避不遑深恐伏羆虎虛空涉嵌閣
屐聲濕於鼓石磴如卵危石棱如劍舉人生非草木膽

氣敢豪鹵雲棧本夷庚區區復誰數

瀘沽峽

峽有
啞泉

新橋峯影迴穴磴度單騎下吸飛練光滌滌倒層翠銅
槽滙淨潏鐵廠溜澎湃稍見杭秣田苗流獲霑慨浩然
朝金沙不受廣源治河身忽縮行兩輦進一氣玄素幻
須臾椒圖恣挈戲陰沈鹽井清絕峽那可縋重巖削鐵
色鏤鑿似孤隧有時十字裂樹根穿若臂善崩訝沙性
萬木支九地碑蘚摩空嵯啞泉駭狂醉士非吞炭俠師
合銜枚濟且隨猿鶴羣望望趁墟肆

自老鷹至松林山間皆小松怪詭特甚

異俗能種松不尙老尙稗丸丸植陽阿鬱鬱蔽陰隧蹲
爲綠熊毛攫肖青猿臂株尺根廼尋子落蔭猶庀左右
閼轉旋下上幻豐銳瓷斗供較宜礬絹寫容易自非樛
棟資庶共構櫟棄槎蘖禁漸疎樵蘇利將倍以斯墓棘
偕於燧苑桑類挂枝代結籬藝膏謝束燧材不材不同
用無用無異孤生幸信天一出須擇地青岱謝秦皇黥
山憶軒帝何年掄鄧林鉛貢載圖誌

七夕抵寧遠

纔上蘇州又德州稻花雨過蕩花秋綠牕綵線居夷杏
粉蝶華旌切漢浮燈爲山空明似豆月因天近大於鉤

旄牛徼外牽牛節不是煙波也合愁

寧遠懷古四首

附葛捫蘿上百盤和門碁布角聲攢天低下界三辰大
候逼中元萬甲寒沫野虹收雲黯黯邛都驛廢水漫漫
簡書多少隨猿鳥莫訝人間道路難

連山鼇戴此開坪益斥規模始漢京傳入西夷稱大長
計先北伐効長征革囊溜緊迴三渡雉堞峯危冒九城
高望始昌分苑廣當年天馬劇崢嶸

武侯城畔泪沾衣遠甸心傾仰德威塞繞蜻蜓來歎歎
沽連鸚鵡逝飛飛繩橋若落情難測玉斧關河事本非

却笑荷花生日裏幾村蠻女踢芳菲

番俗以六月二十四日爲元旦是日

吳人謂之

荷花生日

種火耕刀一棱慳牛牟斜散草坡間鹽波試問摩沙戶
金氣休貪斛棘山三代鉞旄共髯濮百年衿胄自邊關
蕪涼更發沙蟲慨細剔荒局蘚字斑

使院望邛池

邛池如滇池廣袤里數十稱河亦稱海瀘山受嘯喻蛙
鵲名蚤微魚蛤利粗給齋淪閱冬春霑漑逮原隰誰知
百丈底有縣漢京立漢皇通夜郎笳夷版未入馬卿底
畧定都尉賴綬輯滇北冠蓋同沫西寶費集神龜眼閃

閃鉅鼇脚岌岌可憐驛置衝奄化溼銀溼勃碣苞混茫
河華擘雲霽溺成茗溪潮陷肖由拳邑揚塵杳仙遊爲
谷驗雅什窮邊黷民命天做法斯執嗟民實何辜蠙衣
慘啣泣瓠子歌競傳竹王號仍襲幸生清晏期征輶載
囊笈曠望城東南淨練遠堪挹測影失鐘樓汴光渺航
楫懷古心鬱陶投鞭蹟終及

藍草

小草連畦治龍葱拂翠輶茜萸紛運計槐蓼細圖形度
地兼莖種微時異莢零交光迷蕨若搖彩上莎庭接棧
痕先研爲池澱輒腥鼃天濃過雨拖水暗沈汀縷挂蠻

邦陋伽裝佛舍靈分旗排隼羽壓帽颺鸞翎采記盈偕
綠揉教出更青關前姿麗畧田外影瓏玲賦佐輪寶域
名垂掌染經九江雲樣紙題罷墨痕熒

噉青豆筴作

誰種蠻山一頃田金風吹綻露花邊連房嫩簇青蟲擾
帶筴勺蒸紫蛤鮮小院清齋葵葉外貧家眞味菜根先
嘗新恰對銀河淺憶配新粳薦巧筵

鸚鵡

番鳥番花遶翠微鸚哥無那試飛飛出山踪迹聰明少
戀主心情問訊違半點輕紅才子筆十分慘綠美人衣

三
一
娘隅此地工蠻語可向慈雲說淨依

仙人掌

木非木卉非卉似掌非掌指非指掌如葵扇團指如芒
鞋底厚或扶寸廣踰咫初疑綠石割自洮河邊又疑綠
玉撈向闐河裏土人拊掌紛訾訾金莖承露誰所操太
華一峯現縮本特與荒徼光不毛瑤草琪花浩難訪橘
柚空庭致蕭爽老饞扳弄思嘖之聞道肉芝原似掌

板房

蠻郡艱陶埴三間束板宜偈叅開士語

用禪惠大師瓦屋何以蓋木皮

語名紀小戎詩搭架披松鬣黏牆補木皮只如撐短艇

風雨坐移時

石屋

溝瓦全無次山家體製超平鋪容偃仰穩構謝飄搖雀
角穿應息落斑暈未凋所嗟漢循吏禮殿土同焦

松籬

館垣何歲毀一架桂松毛斜日惺忪透疎風歷亂撓編
來勺落子穿去暗飛濤怪爾蒼髯叟涼陰散鬱陶

竹闌

誰截勺圓節長廊次第安青紅紛渲染十二故盤桓不
厭扶清晝曾憐倚暮寒老夫斜點筆也當石闌看

任明府招泛邛海登光福寺

城枕危坡郭枕泉
稻畦黃送老晴天
如何雲磴松關影
不擣成都十樣箋

六柱春船夢故遙
霜蹄平蹴海門橋
明燈錯彩波圍鏡
獨木漁舟且獨搖

大漁村接小漁村
岸柳溪蘋褪漲痕
等是山遊向光福
魚香歌細試開尊

白銀盤子捧青螺
唐代真身蹟未磨
聞道將星新授節

願留詩版續饒歌

寺有萬歷丁亥潮陽周光錫飲至二絕時副將軍阿公桂新拜定西將軍

歸次名山劉大尹四儀促爲蒙山之遊偕姚秋

塘陳六峯飯智炬寺

寺有淳熙年省牒

旋旆指艮隅險脫迂平地朝暉射城郭一飯勘餘事主人喧戒塗要我香積寺同心占得朋還僦西南利水田禾半登石逕草偏蘚橫斜暑杓間廼有嘶風騎野雀交啾啾林蟬故嘒嘒入山本未深恐被導師議自叅苾芻香那厭蔬筍氣省牒看依然巡檐刻苔字

登上清峯觀甘露井作

大蒙告旅平州域紀梁土岷嶓及蔡山作配壓東魯螺旋八九成一成一鉤距後頂頂前趾直下曰投杵非無尋丈坪雷動栗雙股野僧掖我升倏忽假毛羽芒芒開

關初先隕宋星五嶮嶒冠北巔震讐萬羆虎聖燈與鉢
孟紛效三命俯瓦屋挹虛嵐平羌圍弱縷瑤漿闕石版
仙茶試偷煮龍蜃靈昭昭一勺復奚取葢頭少荷葉返
館打急雨人言初祖師詭異十先普誠感若衡雲我意
疑神禹

甘露井覆以石板發之則雨是日良驗

劉大尹送上清茶

蒙頂陽氣全小滿報茶熟當其穀雨煎却闕數芽綠八
株標八仙薄采僅盈掬不滅并不生尺寸蠟肌肉副仙
纔二株雖長

平聲

等弟蓄闌楯結搆牢鳥雀避闕宿配位

森外藩西東時如鵠良隅菱角灣亭亭秀推獨是皆供

兩宮計葉一百六銀餅祕封題土竈慎烤煏一葉泛
一甌何代創官局官司工索癥下乘貯敗簾持較園戶
輸地分判主僕傳聞甘露師手種澤均沐時惟漢西京
法未闡乾竺苦檀箋未行飲茗爲誰卜昔我曾作歌信
口不信目豈其旗與槍而護六丁躅大尹應且憎厥土
手嘗斲巖磴忽動搖靈物敢輕觸卽如甘露井春茁覆
版玉發之汲盆罍雨師輒騰蹴烹泉散芬馨小啜饜清
福笑謝桑苧經更輟端明錄

邛州道中

山外山無數山窮水又長斷雲松葉暗疎雨豆花涼廢

隴犁全熟遙墟爨竝將酒家頻借問野徑逐牛羊

白華詩鈔

南滙 吳省欽 冲之

劍外集三

起癸巳九月
止十二月

慰忠祠

祀戶部主事上海趙文哲刑部主事滿

建吳一嵩候補知府江寧王如玉府同知舒城

鍾邦任通判休寧汪時浦城吳景知州會稽吳

璜承德常紀漢陽徐諗南昌彭元琚知縣陽湖

徐瓚渭南張世永嘉善許椿宛平孫維龍貴州

章世珍仁和程蔭桂及其子烈布政司照磨臨

榆倪鴻縣丞仁和倪霖吏目宛平羅載堂巡檢

臨桂郭良相典史光州吳鉞東安許濟寧河周

國衡其地在少陵草堂之西顧觀察光旭權視

蜀泉倡議共成之以七
月十六日奉主入祠

王春歲癸巳六月初十我軍軍昔嶺滑澧朝徑溼定

白華詩鈔

劍外集三

邊印如斗誠子預藏襲獵獵移纛旂未暇整伍什將投

木果旁堅壘待重入中道膏賊鋒師潰咎誰執一雙蘭

署郎

趙農部王比部

機庭練批答袴褶來從軍併命祇呼吸常

徐瓚

司度支吳

嵩

羅備典給隨行卽隨死僵卧委韓恰

以上殉難背嶺

先時番孽降野心欠馴習招搖颺白旗還性悄

游諜聊以夾弱

番語強劫也

嘗各各繕槍鋏將軍置罔聞餘

黨執竦警驟窺美卧溝朔日晚告急提臣防禦單倉猝

驚羣嚼遂延喇嘛寺欲向別駕

汪時

脅父子甘舍生褫剝

逮縋繞角礪檄報同科多火攻合鍾程暨仙尉

許濟

望救

痛何及桓桓推郭吳

鍼

半通寄冗闢相持閱幾朝相格

斬幾級

郭守占固凡十一日始破吳守澤爾多殺賊數人始斃以上糧站各員自郭外皆以初三至初

九等日被害其餘十三人皆初十後從督臣登春退師途次遇害

勢去終莫支礮臺跡

旋躡吏卒慘歔歔商民駭馭駢號呼赴大營營門拒弗

納侵晨敎大開出走擁蹀躞將殞兵竄亡瓦解浩難戢

登春駐重臣懷棟驟摧拉且戰且退奔矢石冒千疊取

道爭兩厓厓上礮聲接從官十三人先後尸枕壓辟諸

牽網時豈復漏魚妾肉爲饑烏銜骨爲訓狐獵豈無輪

運賈折臂爲升合豈無負戴夫斷頭爲囊篋豈無屯戍

士決脰爲垣堞國殤不勝書鬼錄不勝牒文臣不惜死

公等更酸噀晴沙東林裔倡議議皆協度地依草堂筍

林斬叢解芝桷映藻井栗主替畫翬楹陰映蕭蕭鸛語
喚恰恰惘然魂氣來碧血洒丹闌能爲張巡厲如傍要
離俠麻鞵杜陵叟慘切效長揖心肝奉至尊今古匪殊
轍慰忠祀江城昭忠祀京邑姓名婦孺傳事蹟史宸輯
所嗟擒蠻計葛亮竟帶汁風鶴警蒼黃沙蟲莽嘈雜本
非幃帳叅而歷疆場刼赫怒揚主威義憤激兵法禁
旅交龍驤隣師亦鱗集幕府稱定西城庭竚犁鍤以慰
存者心繫組任敲吸以慰亡者靈傳芭永伏臘尙有楊
鄴都轟雷運歎飲給賊殲數人斯舉漏章摺身殉衆競
憐廟食爾同愜鄴都令楊夢樑管理礮局昔嶺潰爲賊
所得脅令演礮楊教不如法殲賊十許

人羣賊嚮之自軍中來者多傳其事而請卹未及是冬
兩督臣查奏夢桂以奉令撤局回營于山溝被害得贈
道銜而周國衡或經死掘拜脩辦香陰景耀靈曷
難或被冲失另察報聞

九日奎星閣懷諸弟

閣在錦江書院後

峩峩傑閣倚寥天
殘菊囊萸汗漫傳
萬里風霜沈九日
一時星斗麗三川
文高吏術絃相和
韓范軍聲旆未旋
京國家江吟眺迴
幾回愁數雁行偏

次韻晴沙觀察送京兵出灌口五首

枕戈子夜午腰弓
走送勞勞亦効忠
低堰秋禋神幘綠
高臺晚吐聖燈紅
飽騰士馬行歌處
洒落君臣想象中
多少閒雲浮玉壘
肯聞魏絳說和戎

松州遲遣殿前軍昔嶺峒堯駐入門未有熊貔堅關志
可無蟲鶴慘啼痕楊儀斷後終難恃先軫歸元且莫論
豈獨九重亟西顧同仇同澤各聲吞

新崇節鉞整旗槍指顧風雷萬衆驚難蜀高文連牘定

周少司馬譙獄還蜀爲文以喻擒蠻上策濟師成截芻輓粟非迷道火

器雲梯是勁兵細數南陽諸將相休因徒步厭長征

架棧崎嶇世盡知青驪盤遠路如絲乍聞劍閣淋鈴夕

終見潼關拓扇時絳節並開韋李府草堂旁建許張祠

分明邊月蒼茫影徙倚城樓鼓角悲

湍水堤邊暫駐旌傳來魚腹有瓜刀間關役使紆籌策

誹怨詞章薄雅騷出塞五篇長寂寞期門四姓要粗豪
腐儒分少匡時畧笑剔荷缸看孟勞

錦江舟發

霜降葉未丹背郭逗寒色閣鈴語天風送我契憫隰江
流枯一綫邈絕鷺鳬迹漲痕膩青黃霞影罨朱碧茅茨
三數家歷歷水南北湍迅行轉紆溜寸舟則尺以此謗
下灘日計里不百何當瓜蔓生發機快電激漂蕩知有
由遲遲泛安宅如逢漁釣師投竿晚佐食

彭山晚泊

錦水明於錦騰文下武陽古城營壘治廢壘識彭亡酒

熟浮蛆瓮花收養蜜房不逢羹雉雙短棹極蒼茫

抵眉州不得謁三蘇詞

眉山一簣高眉州一斗大譬諸曹鄴那牛耳敢爭座堂
堂三蘇公崛起天荒破萬古來辦香不遺弱一個我乘
下水船浩歌出沙邏嫵媚修竹成浩蕩白鷗過搖搖翻
酒旗團團走茶磨庶幾羞沼蘋山城指牛卧家法雖縱
橫國才肯摧挫誰知火急行投足路真差側聞池上蓮
留爲科名賀堂堂玉局仙制舉慶王佐無田無可歸九
死入寒餓松江煙雨疎朦朧覓漁課

坡詩醉眼朦朧覓
歸路松江煙雨晚

疎疎江距
州廿里

我亦別家江推蓬悵無那

慕頤山

黿頭矯西南牛心絡西北連峯來象耳東曦詫朝匿金
墓喧聒人何年化爲石膨脝腹先漲腸睽眼交射頤中
復有物頰頰擢蒼壁官私都不知蠲氏孰司職得非學
道流緩火鍊丹液丹去井尙存肥沙竟竊食玻璃江色
明照影試推測遙遙扇子山一碁眩梁益蟲魚費考蒐
巖岫負登陟前路是蛾眉敏舩墮空碧

青神舟發四首

澗碧山紅路半迷江風吹影皺玻璃清霜病葉全無準
指點疎花映夾隄

五渡山邊水復流
等僧嬾作上巖游
灘聲嗚咽經聲杳
祇有神龍閱古湫

流枯池接喚魚潭
遺字涪翁句劍南
不信青衣渡旁渡
秋衫染得一痕藍

板頭船似櫂頭船
載酒凌雲結興偏
惱亂冬行非夏課
荔枝灣負荔枝天

霧泊

非雨非風午泊船
一篙深翳鏡中天
三朝每怕農謠準
西風吳諺

七日徒聞豹變全
窟裏茶香縈細細
隴頭

花影隔娟娟
關城如線軍如火
會掃蚩尤聽愷旋

灘鬼謠

下灘激箭上灘引綫匪楫匪帆石心水面水枯運剝水
漲救撲剝船招招救船嶽嶽過灘叫豪住灘翔翔我有
身子子有錢刀子啖我賺子覆我掩含哺披裘以佑重
險

樂山胡大尹範水送柑嘉魚

三寸黃柑尺半魚打門欸送劇軒渠成都帶熟甘如許
廣志成都平帶柑大如升丙穴鱗纖美不虛羅帕沾香回夢後銀盤
得味放餐餘木瓜封蠟鱸翻雪一種鄉心各起予

方響井

卽丁東洞涪
翁改今名

畫井肇軒轅其匡乃中萬掘泉規以方于義了無取州
城枕高幬戴石兼戴土四角安銀床兩旁失玉虎一泓
鏗窈然微泉滴縷縷和如環珮調淒若鐸鈴苦丁東連
曉昏左右得微羽涪翁試汲初小院已千古作詩爲更
名水樂在洞府何如湖口遊石鐘浪聲鼓

自凌雲渡登第三峯

蜀山如畸人可憐不可卽嘉州山最佳靜女露婉孌一
笑今日成濃翠染巾舄連峯兼良爲而作排交畫石磯
冒苔痕沙徑泣泉脈不知混沌初誰手穴蒼壁模糊瓔
珞胸拉折跣趺膝無多花雨邊笑許展瑤席九頂競紛

摩三川洵全揜隔堤人萬家杳靄散點墨潛渡慨蠻夷
劫砦驚草澤俯瞰峽邊船數莖鬢爭白

凌雲山壁大石佛

岷水來自東蒙水來自西沫水來西南其衝山作隄山
下蟄鯨鰐山上騰虹霓峭立此終古掀漩聲沙澌九門
突萬軌舟勢輕鳧鷖自非道人道焉得慈航慈椎鑿肖
五體坐卧忘六時堂堂彌勒相競禮天人師覆以千花
塔智燈明琉璃於時韋南康讚嘆雕豐碑厥象類金狄
厥功同石犀我鄉近淮海橫絕支巫祁此佛如有靈雷
雨俾徙之江流旣以平河流亦以治長歎凌危椒浩浩

天風披

胡範水徐臨沚兩大尹招遊凌雲山

眞見凌雲載酒從江心綠到第三峯
龍龕窟撼諸天動
鶴鶴巢懸下界封樹色迴浮樓堞半
蘚華濃沁利竿重
分明北固山前景好語吳僧殷戒鍾

寺僧禮汀京口人

金身百丈挂藤蘿高隼盤風怒若何
孟底銀濤倒三峽
座間翠岫直雙戟竟無葛相持籌蹟
早有巴童蕩槳歌
爲報東南賓主美羽衣吹笛學仙坡

望烏尤山

烏尤本烏牛羣飲鴈其角力爭三水衝
矯首示跣蹕渠

非秦守醜名竝離堆卓延緣九頂間斷裂驚一斫丹樓
與赤城密蔭森帷幄上有鷹鵠巢下有龜蜃擲中有磊
落人蟲魚註斑駁臺荒巖尙留迹詭語從朔江流寒泯
泯江月浩濯濯凝睇思悠然焦山此可學

登嘉州城樓望羗眉山

羗眉縣傍羗眉麓縣裏入山糧裏宿嘉州距縣猶兩程
何處寒江墮稠綠好風吹我城西樓左龍右鳳前烏牛
迦陵相喚重回首百里一髮橫清秋淙潺響水橋澹沱
集雲寺中峯雙峽高半天上界遙看只平地長杠架空
蘚花鈍上者猿挂下蛇褪濯溪鋪石瘦成拳綴磴怪松

矮扶寸琪花瑤草人莫名鹿璫鶴綈羣歡迎太陰積雪
闕萬古爾得何術歸長生冰霜汁冷爨難熟好喻元溼
餐黃精鬼谷逝不還真人呼不應補天畫卦踪在無巖
洞佛光夜初定初如暉錦團古囊倏如屏雀五色披文
章又疑彩虹狡獪暈雌霓不爾金蕤吐氣如輪華月升
東岡大千世界到慧眼何況青城瓦屋黛痕歷歷縈平
羌迴颼颼送鈴語卷盡白毫闌寥宇惟有玲瓏蒼霰
千萬堆舊衲雲山照如許我聞岷嶓蔡蒙莫梁域牙門
野處秀終暱太沖入賦致能記從此蛾眉露顏色齋鐘
粥版輪導師畢逋烏尾歸故枝且邀白石三生夢獨詠

青蓮七字詩

附
同作

姚蘭泉
秋塘

梁州四山紀禹貢誰撫星宿遺娥羲有山峩峩偈聞
闔一雙對峙如蛾眉美人目成不可卽秀絕雲際橫
參差金鑷刮膜一憑眺龜龍犀鳳羣峯隨大峩蔽陽
景中峩半網之小峩雖遞減猶被罡風吹八十四盤
通帝座猱升蛇退無由施琪花瑤草珍禽怪獸到眼
若箝口何況合離遠近涉想而懷疑仙子呼欲出狂
客歌莫知竺國形象遍震旦自西徂東首莅茲布金
卓錫宏梵宇粥魚茶版容禪師雷爲鐘鼓助鏗輅電

作燈炬明琉璃雪如堅玉積寒暑冰或雜米耐蒸炊
佛光湧現暈五色浮空愴悅畢定姿天孫織機鸞錦
采女皇鍊冶騰石脂我聞五岳多異境兜羅縣影紛
歲難逝將裹糧攜奢願匡廬羅浮武彝黃海各各探
靈竒勿使矯首頓足徒付管與蠡不然巾箱遍繪眞
形垂剖却芥子藏須彌

道士灣

危亡道士磯楚江膽斯破沿綠岷右來蹋浪恣顛簸併
命抗陽侯撒髮意則那磯渦深百尋似憫老蛟餓飼以
萬斛舟一擲碎於剗琳宮冠層巔大旗閃法座何人爲

戕天鏟此山骨大或爲二華擘或爲九河播非無醜酒
酬兼有撞鐘賀乘月起棹歌吹笛我能和

犍爲

縣有孝女渡

縣郭圍山翠沈犀蹟未磨去津浮玉磬絕峽赴銅鑪鹽
井冬留筴漁家霽著蓑果然風物美有女亦曹娥

敘州北樓作

北樓憑眺勝東樓雲物蒼茫倚杖收一郡蠻煙迷楚道
五津人語下渝州蔗田晚熟竿教舞蘭畹春榮佩欲投
分付朱提雙飲殘鎖江亭上豁千愁

自鎖江亭放渡遊涪溪

大江控孤城使掌北門鎖鎖江行剪江截流胆斯果高
岸三數尋纍纍蔽蓬牘苟逢遊境偏豈惜涉坎坳村煙
曉疎疎溪響冬頗頗涪水所不經而以名錫我翁來溪
遂名翁去石猶安懸厓雖一拳方峭若堂堦介節旣崢
嶸清流亦潭沱且學飲牛人逍遙石橋坐

涪洞

笙媧驅大星夜墮野田陌竹樹渺寸萌渾沌太古色一
竅誰鑿開上下勢披磔上爲鶴俯尻下作卵伏翼中象
離卦虛截然斷兩畫洞門陰氣蒸積霽鏤虛白蝨行苦
綠紆鼃戴懼跼蹐欲壓未壓間稍稍展笱席巖壑雖區

區勝絕冠戎熨惜無泥飲人春酒拈重碧

涪亭

探奇畢涪洞一笑旋向西自西旋自南乾蘚梳壞題孤
亭縛樓毛舍石無可梯亭前拂茅屋亭後縈麥畦雖無
帆江影亂山雲與齊亦有黃葛樹擁腫根塞蹊冬花時
亂開凍鳥常息啼昔我搜三吾幽景爭蔽翳今我窮三
涪賜光現端倪作詩告涪翁何用供芹藿

流盃池

流盃池水不盈掬縮本壘成武夷曲信手疑翻圓陣圖
轉頭儼覆方枰局我來爲池非爲酒知被窪尊嘲土偶

我今愛池尤愛山笑共羽觴亭敞帶池南池北無寸泥
獵鳥徑絕陰風淒義娥子午一留照龍蛇篆古搖玻璃
石質雖存字形壞南宋元明笑爭界客座長同北海傾
詩翁只下西江拜詩翁孤耿弦激矢朝上封章夕遷徙
杜陵配食竟蘋蘩使君促宴曾羅綺水中盃是掌中盃
水去孟傳醉幾回雙井茶香歸夢杳數株甘熟諫書哀
戎人蔡次律軒前有廿數株治翁名曰味諫戎州尙較宜州樂識語蕭條蓋
棺惡詎憐黨禁到文章應見貞魂戀卍壑中巖靈蹟渺
前塵一瓣香燒何處真倒載試看浮白地直聲每動吊
黃人

登鬱姑臺

鬱姑臺似鬱孤臺杳渺霜鐘法界開
亂水北吞三峽下斷峯南擁七星來
荔枝一過霓裳散桂樹重招鶴馭哀
爲是兩川冠冕地醉扶藤杖獨徘徊

野泊

落漲參差野渡偏半隨步履半乘船
呼雞客到評書價叱犢人歸問酒錢
鷺影淡於前浦水菜香濃似晚春天
桃源雖好喧難避處處迎神簇管絃

晚次南溪

偃裘聽寒江江艇宕暝色月暗鴛鴦圻
風瀏鷗鷺磧知

是縣樓來數燈澹無極

江安

九龍灘似虎脫口是江安綿水光交汜璫厓響未殘槎
頭魚味美坊底橘香寒試訪雙松道飛霞屑玉餐

納谿

納谿谿水是雲谿裂破牂牁地軸低一自掇旗灘畔過
長江無盡亂猿啼

瘿木

陰林冠桷樟餘材賤蓬梗蕭森逼九霄輪囷蔽重嶺
劫侵火雷計種失壯竊鬱氣山澤兼鍊精日月併墳起

漸隆隆星懸突耿耿氤氲松脂膩磊砢柳肘獷如龍垂
頤翔如狼跋胡騁如牛鐸挂膺如犬書繫頸王莽顙可
藏月支頭試請得非齊女瘤道是羊傅瘰匠石棄弗收
賈胡識獨省瑾瑜終匿瑕金錫貴出礪蹠鑿審徽痕腠
理解芒穎聚爲錦石斑散作縠波影个樣女鬟披氍毹
佛胸秉綏綏戢翼蟬隱隱負殼塵皴非盡苑蓐繡豈粧
閣覲刮膜績旣成鬪角巧相警大用飭几屏小試中槃
皿物情姑推測世事漫酸哽甚美必甚惡孰枉又孰偉
寄生榮須臾息廕愼俄頃當門蘭質傷近社樗壽永燈
竿椎計緡廟棟價論鉗不經神扶持安足自獻靖偉幹

天所儲奇器聖斯屏柞氏弛禁寬梓人考工整驚世露
文章隨時發光景此道似掄才以德毋掩眚安誦養生
篇短衣裁濶領

喜聞官軍復收美諾

虎穴軍重入雕弓凍折膠神兵驅七晝喜氣送千郊伏
醜纓須請論功刃未交煩寬多舊鬼破涕待封殺

瀘州咏懷古蹟

迢迢晞古耿祠燈師氏衣冠儼式憑一代清風論大雅
萬邦成憲告中興崔巍封斧雲埋骨窈窕彈琴雨濕膺
目斷寒流遲膾鯉車攻何處問荒陵

法言正考前聯吉甫矣四川通志瀘

州東峯有尹夫人墓琴操尹
伯奇死吉甫作子安之操

雲峯縹緲枕江湄憑藉舟人指漢基稍喜伏符騰王氣
爲憐破卵建靈祠童提有象懸眞主寇盜何方護少兒
莫笑州民罷冠帶銅駝紫陌草離離

羽扇綸巾廟祀同寶山形勝極穹窿渡瀘未必紆東道

伐魏寧論競北風七縱神威先六出兩朝子姓自三忠

江陽可是生申地配食猶虛董侍中

寶山三忠祠祀武侯及子瞻孫尚蜀

志董允父和傳南郡枝江人也其先本巴郡江州人卽今巴縣近人瀘州學記以允爲州人當悞

澄溪溪口木蘭船平遠江樓思邈然雙闕風濤穿二險

一城煙火閱三遷居民罷采羅星硯過客閑烹滴乳泉

誰信都曇喧鴈鼓百花亭館似春天

尹伯奇琴臺

臺下泪波腥臺前病葉零沈江娥媿節在鎬姑分型釁
起門帷外聽綠室第熒履霜彈切切激瀨和泠泠掩袂
哀誰俵蹇裳恨未瞑拜蜂身悄恍離黍弟伶仃死孝愚
夫憫徠神醉覲靈猿聲連古峽蘆影斷疎汀親過磯難
已家屯網適下放流循皓白悲怨達蒼冥地補桑經注
圖遺孔殿形申生量一概公道在西銘

韓詩伯奇弟伯封作黍離論衡

伯奇放流首髮早白孟子注伯奇仁人而父虐之故作小弁之詩曰何辜于天親親而悲怨之辭也

黃葛樹有序

蕃產也似榕而小宜柄戟今敘瀘間多有之
欬歔乎哉黃葛非葛樹非樹枝幹槎牙併一處幹爲空
腹枝肋之虺蔓虬鬚莽回互我疑是東岱松鱗爪不攫
之而龍我疑是南海榕禿鬣不蔽方畝宮穿厓裂石太
無賴下士笑汝來安從邏沙城邊舊草地移種繽紛鬱
生氣一本俄成千本身十年那作百年計棟梁大厦非
汝勝樵爨中厨却汝棄蛇矛丈八左右盤托命在柄風
號酸因心運臂臂運指執殳制挺嗤等閑只今黠兵過
賊寨帕首弓腰日隆外壯丁遮擊雖寸功樹木終爲人
倚賴嗚呼黃葛真遇時嗚呼黃葛毋遇時婆娑偃蹇老

巖穴以佐私鬪尤非宜君不見秦家白梃震西蜀葛葉
萋萋聖人錄

瀘州屢得述菴軍中寄書

定西將軍尺二檄緊程八百緩五百陣雲凝雪雪化冰
腕底何人飛霹靂一聲落紙山岳搖太白出地千丈高
尊酒細傾歌斫地赫幌隱隱騰秋毫初言入釜游魚哭
繼言落雁軍容簇後言七日犁庭無數糧栖萬竈熟
男兒豈必手斷南越頭飽看飽聽願亦足復言講堂古
柏傳文翁諸生誰繼相如雄五架五間飭材好落成飲
至需春融軍中學易悟易理小鯢母怯勝母喜書招贊

昔謀未臧城築因杆願非侈三瀘城邊瀘水分渡瀘人
去思前勲實寮整暇有如此將軍辦賊何足云

述舊寄少鈍及舍弟泉之并示陸耳山徐玉厓
吾邑析瀘城共飲春申浦科名雖較衰人物足誇謝賤
子起寒門奏賦濫腰組歲籥記丁丑不曠閱壬午代興
賞凌雲趙陸氣如虎趙也婣雅材笙鏞震堂序長余慳
十年陸弟背同拊余弟在是秋亦聽鹿鳴譜兩家赴計
偕竝發邗江潯每思步笛邀或學墅棋賭火攻爲我愁
跨竈爲彼許暴譴如鄱陽藉用相吹煦陸亦來修門剪
燈欸鄉語落地杖代搗咬春梓遞舉館閣皆閑曹莫道

作詩苦計字縑預酬催句鉢齊鼓典誥宣樞庭修書惠

藝圃未藉狗監交應達雞林賈堂堂華海張

少華熙純

乙酉

獲褒取

四巡四制科百里富翹楚誰以連帥強而敢

薄鄰舊病肺張早殂無復哭宿莽亦有徐廸功醉吟了

官簿往來趙陸間可酤亦可醕昨書進士名麻衣慘歸

艤云當勸薛公

少文龍光

來擘麒麟脯使益吾不圖喜近征

西府中有從軍人勘檄夜三五相聞不相見一錯竟如

許返旄奠椒漿故人卒何補比聞平原靡文采動人

主郎官改槐廳漁洋後惟汝趙亦贈清卿碑額待規監

喜心迸枯泪一一怕追數幸忝金石交筆弱敢咨與其

戚痛痾瘠其寵炫毛羽復得吾弟書薛也死鄉土青霞
鬱奇氣子衿尙藍縷非無玉屏集長恐覆餅飢東野誰
是龍東方終似鼠文人載通鑑死事力眞努方當銘尊
卣豈屑校華黼門才今古難君等實强弩竝訊陸與徐
詩成響淒雨

戲題所乘舟

牕自玲瓏版自鋪圓蓬特地改方壺他時盡入屏風裏
應勝巴船出峽圖

酒熟茶香午蕩煙竹枝聽處思悠然可憐暮雨瀟瀟夜
曾住吳娘六柱船

鵬八夜泊斗坎

如此佳風月灘危興漫乘
亂山圍野磬枯溜貫疎燈岸
峭龍堂出沙低雁戶增雖然無粥飯倚醉且瞢騰

晚次合江

石鼻浮灘險孤城第幾灣
亂濤吞鱗部疎火吐符關
僧去齋鐘冷樵歸渡艇閒
只餘盪酒美酩酊坐忘還

江津

曲水文如几滌澗抱馬驤
白沙邨下上石笋縣西東
夜杼蠻輪布風檣吏輓銅夔
巫知不遠惆悵峽霞紅

大茅峽

頃過黃谿沼遂指大茅峽峽底蟠大江峭作風屏插又
如百丈城礪裂勢欹壓荒灘倚孤艇笑與樾圖狎孑孑
循石梯葛蘿無可搯中央坼數筵兩臂窘持夾狼挂兼
蠟旋屐響慘颯雪架閣高層層附麗肖廡甲削成彌勒
龕莊嚴法王法毫光盤髻螺香火裊爐鳴隔江山萬重
獻態媚不乏車亭浮一卷煙濤莽噓呶森然動我前危
汗透背胛野鷹翻翅歸過眼在俄霎翻嫌虛牝多盤窠
此恰恰誰種黃精苗胆驚忘荷鍾

與泉之

吾弟都亭別平安屢費猜夢懸愁共倚書到怯先開抱

槩疲官課圍爐泥客陪明年小兒女好上學堂來

渝州懷古

三巴舊是梁州域峽接黃牛蹟未磨萬古塗山紛衆說
一鄉石紐記頻過蕭森黻冕叢祠迴飛動龍蛇壞壁多
何處竹枝聲夜起蒼茫如聽候人歌

太皞支分歲月悠姬宗開國斷春秋地形高據三江會
王氣遙連百濮收環佩有魂歸楚女芻蕘無力救苴侯
可憐蔓子捐軀後從此將軍半斫頭

剽悍軍聲屬漢家英雄草昧竟分瓜如聞信史書通幣
蚤見降王走傳車裹血尙沾荒壘草銷魂偶發故宮花

剪屠更憶東川苦黃虎披猖骨似麻

八門長閉九門通鱗瓦差參結構重古渡鶯花千葉艇
好山金碧一枝筇果園要置春官晏丹穴難求寡婦封
細拆牀頭淪甕美笑同賓幕餞殘冬

巴蔓子墓

簡命纔班子麟書未僭王乞師行傷節戡亂爲蕭牆七
日秦庭哭三城趙璧償寢門看倚劍宗社賀苞桑信誓
頻煩責嚴詞忼愾當尺軀拚付與寸土要留將節槩隣
邦動支骸故國藏爲園經剗削遺廟問蒼茫縱少匡朝
績猶存應敵方獻頭燕竟覆函首宋終亡俗薄論酬報

時艱仗激昂釣魚池畔路魂魄共襄年

土牛詞

土骸一闌春一城青旂綵仗東郊迎跳踉僂子導歌舞
牛聲不聞聞人聲人牛一力裹春意太皞幡然受牛餌
文繡何勞莊叟嗟鞭笞且聽坡公戲牛角彎環牛首續
爲牛爲土象占坤來朝試上譙樓望幾輩扶犁耕水村
渡龍門至覺林寺過寓公勞同年璚偕至塢頂
外水趨古渝奔流極雄驚作鎮矜塗山遂挾禹河號雲
根點江岸疊勢若穿鑿扁舟機斷厓失喜一僧導蒙密
蒼磴間冬畦潤於膏良久辨刹旛蕭蕭躡風翻蓮塘方

鄣交竹榭圓笠冒櫺櫺雜樹叢格襍亂禽噪息心拈野
花故人此相勞諦觀龍藥父一一究堂奧後有宰堵宮
放光夜頻告累石如累棋九轉頂始到雖教闢頓安不
假金碧耗登眺塞衆峯景物阻深澳云是白足師持爲
母恩報師在塏是營塏成師久悼碑材擇尤良最肩力
排肩我無妙明心僅足効汜埽嵌壁尋舊題撞鐘傲羣
毘舉翰凌天風超遙謝時好

覺林寺淳祐花銀歌

有序

銀黝黑兩端翹而橢重八兩所謂一流也其
文曰淳祐花銀蓋宋理宗時製花銀有三足

色成錠面有金花者爲上次綠花黑花見格
古論要巴縣覺林寺僧月江誓願建塔捐戴
石土爲基應募者苦之忽伐石得錠六衆爭
捐焉事在乾隆己卯其五已散月江易此爲
鎮塔成時月江已化其徒示客云爾

精鐐沈沈玉鉤大殘字模餽黑龍卧六百餘年封錮牢
誰供月師伴行坐月師造塔森九層碎捐雲根負綱馱
甘旬畚揭深尺餘受直諸傭氣殫懣陵嶂片石閉鑿開
磊落銚金訝天荷其五揮散其一存能典袈裟換幾箇
我觀禹書貢三品上中下幣自秦作漢皇平準析錐刀

古縣朱提給官課富藏外庫推建隆欲固本根逮糧莖
淳化已湮元祐非幾次改元枉紛賀頻歲金繒西北加
通州交會東南破交于始于太宗
理宗始置會子講席雖陳聚斂箴權
門自拾徹田唾民膏消耗邊釁滋賣國牙郎名驚邏此
物空填閭馬丁此邦近接瀘戎播綠花黑花名不誣如
璞經選穀經歛是爲八兩符一流好訂新編補食貨升
人遺利誠區區肯質豪家抹寒餓鬻牒休論稗政沿鎮
山豈受塵踪浣飲器蒼涼含貝虛布金甌勉磨鍼挫摩
抄弔古臨眺今寶氣佛光夜騰座

白華詩鈔

南滙 吳省欽 冲之

劍外集四

起甲午正
月止二月

渝州元日示秋塘六峯榆墅

江柳江花拂曙多東班祇候領鳴珂
教停越客通宵語來聽巴人下里歌
諸道烽煙終歇絕清時風雨易調和
逡巡且酌屠蘇殘我是飛騰四十過

朝衣試後試春衣鈴閣森沈點漏稀
儘爾逍遙甜黑夢共誰宛轉蹋青歸
馬頭鏡吹聽將近鴉背觚棱望甃違
回首吳雲連楚水鶯花如海菴柴扉

佛圖關

累甌下重山山容淡眉嫵江春春早生深樹辨禽語僕
夫先告勞關門抗修阻刺天森石萌萬丈蔽闌櫓前開
閬利藩後按夔巫部將無五丁力盜割蓬萊股內水激
哀琴外水激壙弩設險茲必爭戰血翳洲莽當時夷獠
羣盜兵瞰城府大刀來一提颯爽動風雨世靖走魑魍
疆巖據龍虎太息紙錢飛殘瘡掩黃土

關下多瘞
戰歿軍士

自白巖至梁灘宿福善寺

揚鞭指東川亂峯塞天大山泥沾曉雨新犢飯殘莖村
扉闔不扃獻歲或來賀蒼藤間綠蘿冉冉暗香過野花

多可板壤蔬亦可課頗嫌登頓煩局促礙鈴馱碧霄如
有情故遣縉雲墮上方照纖月曲几對孤坐鐘磬賞轉
清酒漿禪欲破却憶下灘船蒼茫枕煙卧

新市

一名八塘

窈窕初三月崎嶇第八塘亂山沈石鏡古縣界銅梁抱
蘼蜂遊早闌林鳥夢長匆匆滯行李何日試溫湯

合州

碧流漾嘉陵東與宕渠合涪水支絡之涌湍撼城闔揭
來占歲初暝候改衰颯風信迸桃李波文蕩魚蛤轟
人語中浪花掠鏗礮殢岸千百尋連街十二市如蟲屈

步升懷古坐忘嗒昇仙迹近誣瑞應記空諧光燄誰較
長少陵樓納納山程餘悸多此不厭紛還大藥訊靈苗
荷鉏倘余答

望釣魚山

林臯淨春煙妍景在薺麥雲嵐映淺深盈盈水猶隔水
邊垂釣人澹蕩坐磐石水流無盡時人往有遺跡遷治
匪自今觀物契從昔村鼓聽聞如幾行鷺飛白

觀音巖

哺發利澤場投足涉夷衍斷橋修竹林牧兒弄蘆管導
行泝層坡北折踐牛墮削成類昆吾連岡勢席卷僖儼

勘歎顏皴瓢有虛窾老蛟化怪藤伸爪肆搏掬山薑皆
倒披紛護石虬卵捫手擬循牆蓋頭喻覆盃側身望青
冥天罅日華短始知行路難雲霧不可撻蓮花妙莊嚴
西來示跣袒佛性忘喜嗔已曾絡蒼蘚偉哉神鬼工孤
往利用塞前路杏花繁人家帶深畎

金山舖

獻賊伏
誅處

幽箐鳴怪鴟陽暉晝西匿虎偃逝颯然霹靂箭鋒直受
降嗟穀城養賊復驅賊遂使益二間雞犬不留迹甫聞
夔府屠洊告成都逼仁愛天所窮殺人快供億方其焚
巢逃意態轉凶懷三謀三被刑申討謂堪敵層巒噓毒

霧瞥眼蚩尤踣到今
齷肉地害氣長芒棘
遺讖世尙傳元惡
聖先殛擾攘十三家
鏟削靖滇焚筭輿今
蚤經清眈驗規畫鼓
歌近春社棠梨先寒
食山村百歲翁豈
復解兵革攬古心
激昂太平事生息

自壁山至南充道中雜咏

行是渝州住果州
亂山野店接官郵
春風吹面人騎馬
抵得斜川五日遊

讀書臺竝釣魚城
笑倚桃絲竹杖輕
合作仰家聚頭扇
東川新樣勝南京

樹擁荒莊竹覆溪
斷無碌碡碾春泥
山童細剪元修菜

要點辛盤乞醉題

礫礫斑鳩穀穀鴉午煙青處見人家一奩滿貯連宵雨
開熬新年兩部蛙

薺甜笋苦韭離披不種來牟種茜卮聽遍前村珠絡鼓
雞豚爭賽竹王祠

浮蛆開瓮酒旂紅仄岸危缸宛轉通髣髴湖村寒食路
金蠶石馬紙錢風

二分桃李一分梅人日撩人爛漫開指點壺漿迎道左

隔江遙唱野鷹來

時荊州官軍過境

習靜誰尋抱朴賢天綱宅廢問何年萬家燈火金泉路

却說瑤姬謝自然

果州春興索假守沈五澹園和作

羣山圍野水園州鄭重雲旗賦遠遊挑菜乍交人穀日
傳柑須話鳳麟洲觀星夜閉譙侯宅開漢晨登紀信樓
試向炎劉數興廢幾村謝豹喚春愁

板楯輸錢世代賒角聲悲壯控西巴已殲白虎申秦誓
未表青衣改漢嘉荒筭鉤輅頻過鳥壤墻踟躕故催花
兩京將相原無種車騎城高指落霞

爻卦縱橫點石斑猶龍一去杳無還不圖寒女支丹竈
翻使飛仙響玉環縹緲金容懸殿上模糊墨勅落人間

步虛堂冷松杉老鶴馭如煙何處攀

連街燈火鬧連宵屬院披吟耐寂寥銅井梅花孤背夢

盡梁燕子好同招故人氣槩矜投筆

時見示和寄王諸考功軍中四詩

將勛名願得臬留與郡齋催八咏一時齊瘦沈郎腰

果州上元寄家人

餽分綵勝湖鄉夢宴簇銀花禁苑班今日文書堆案少

金泉山對寶臺山

笛步箏堂興未灰蠻天雨水蚤聞雷細腰屋棟蕭常侍

可似吳儂作達來

兒女青紅鬧隔垣松窻枯坐獨忘言如聞小宋風流語

底喫黃鰲作

去

上元

朝眞繡佛唱巴歛細數寶人景物殊千里月明同悵望
有人燈市記成都

沈澹園禱拱亭招遊金泉山甘露寺

重山圍數州萬壘湧駭浪莽莽東北川天影覆幃帳
絳歸果城俯仰入夷曠譬如羈羈駒失勢乍一放頃出
城西門西溪水搖漾寄欽隨步砑短檠偶來傍喚渡笑
未簷花氣極張王離離草綠坡窅窅柏翳壙取道牛跡
間人跡奮相向良久逢導師願作瓜豆餉周折升茅亭
苔磴滑難抗闌檻收孤清惡竹塞四望咄嗟鐘磬聲飄

落上層上高眺目轉迷冥搜趾偏壯雖無甘露零却有
遠風颺方池渟湛然暗泉互輪償優游茶話餘所歷皆
危嶂鑿壁施檜巢到眼詫奇剝低掠鳥一行高遏牧雙
唱散金冶不乾千頃菜花漲錯以蒨麥畦繡出淺深樣
舞鳳峯盤盤白蓮波盎盎窮巖試迴面瞻禮帝釋狀頗
訝兜率宮而化支提藏童駭昇列仙碑版祕珪瑒寶墨
訊已凋精藍憩較暢大夫領郡邑是邦寄保障力當犒
饋衝帖帖息輿謗庶幾爲政閑允矣雅材尙臨去重徘徊斯遊冠巴閬

題澹園渠江蹋燈詞後

落燈風比試燈豪簇炬班春夜色高從此蓬山添勝事
柳州新守舊儀曹

走馬蟠龍假面多定看金甲洗天河連宵買斷錢塘景
欲寄梅花奈遠何

京厥繁華夢隔年米家規樣月娟娟巴賓風尙嫵隅語
難擬清歌沈下賢

譙周祠

觀星臺畔草鋪茵鼠子分明是老臣宮府非才追蔣費

朝門何黨結黃_船陳_祇恩恩玉馬謀偏預莽莽銅駝恨

又新天道人倫兩茫昧怪他奕代產高人

張文潛梁父吟譙周鼠子

辨興衰溫飛卿詩從此譙周是
老臣逸少帖周有孫高尚不出

陳壽墓

魏書魏畧魏春秋列鼎分編義獨優勸進有文懸漢室
辯亡無論斥吳侯姦同誤主苛前輩喪近忘親禍末流
今日南充停廟食蕭蕭狐兔竄荒邱
邵公濟謁武侯廟文惟史臣壽姦言
非公惟大夫周誤國非忠廟食故
里羞此南充當以朱竹垞論爲得

發南充至瀘溪宿

春行心易快畏山計程緩朝發充國城筮象協幽坦非
無三里平亦似九曲轉前村宵雨餘漈漈響清畧牧人
跨犢來鞭拂柳陰淺桃李花萬重錦雲麗織纂雲外或

樓臺雲中祇雞犬自尋金溪渡更涉瀘溪飢茅茨交步
櫺局促過輕幃燈候云已闌笙歌幸可選歲豐民氣和
理靜俗塵遣謝去思悠然疎星照孤璣

永豐塲

山蔬山果壓糟香有鳥提壺喚客嘗忽見碧桃穿翠柳
永豐塲勝永豐坊

大風度琵琶嶺

蜀嶮天下稱陰鬱閼晴曝幸無焚輪颺倒吹眯春目侵
晨越重嶺苦霧漲羣木眼穿鳥翅騰心折羊角簇滑逕
埽忽乾干仞澁一蹴陡立斷上升直落冥下矚輕輶

積鐵左旋右斯觸助虐誰所爲作怒土囊蓄鳶紙浩難
牽馬毛慄先縮可憐萬犀株迎僵負斯伏我生非海鵬
奮飛阻卷跼寸步心寸懸搖搖象旌纛焉得殺風雨社
公夢偏熟愁聽子規啼雲邊裂山竹

南部

吾宗有道子千里寫嘉陵西水何年廢南山在戶凝賣
鹽黃土坎搗藥白雲層借問君平洞春農笑未膺

靈雲洞觀呂道人榴皮書石刻

窮劣停雲巖飭衍靈雲洞偶循城北行跡滯興飛動漾
水洵我旁終古絕斯凍白沙護綠疇竹霧羃虛空疎籬

三數家紛抱灌畦囊詰曲扳層坡有脚豈得縱磐陀萬
丈橫斷壁一扇控蘚潤石氣乾扣響答如哄列炬輝極
幽仙鼠逝倥傯左右駭搜牢高下詫騎棟舊題何處尋
仙游費折衷座間鐵笛吟袖底青蛇弄瓜皮蘸斗墨遺
句耐迴諷岳陽書榴皮斯舉信伯仲雖非摹勒眞足醒
塵攘夢出谷春曠如山禽發妍哢

老鴉巖

江底插石山山迴江始見東風吹積煙危檣倚灘爨斧
歌何處聞羣木媚惹蒨倒映千里流練光蔚藍澱泉深
幽竇喧磴古怪藤纏陰陽旣離合對面錯冥眩神猿臂

怯坂病馬背難旋老鴉忽飛到聲勢走雷電四控巴西
東萬古幾征戰黑水戍旂翻行程尙如綫

錦屏山

青巖山已摩黃連壩已度一笑江色開亭亭簇涼鷺鷥
去人漸來人行鷺還遇無多春溜間指點錦屏渡高擎
青蓮鬚下啄朱鳥味瞳矐孤曜升鬢鬢片雲吐須臾躡
其麓精鐵詫生鑄渲染兼丹黃劈裂斷竹樹居然金罍
愚百丈擁江路返影伴長虹坐鎮馮夷怒當時渭南老
眺聽入游寓有懷仙聖跡每悵收樵付四院竚共新重
城望如故闕苑倘相從殷勤鶴書附

閩州懷古示太守蔡新儒前輩

錦屏粉蝶對層層洗盡瘡痍戶口增海外神山移閩苑
州前衆水會嘉陵佩刀俗悍思循吏劫火年深辨異僧
從古太平須備武猊貅千帳儘飛騰

石棧連雲絡漢中紛紛守戰幾英雄鑾迎七姓虛冠帶
路括三巴長芋橦龍女潛藏何物在鼉靈臨眺與誰同
鞦韆雙架春城暖稍怪黃塵卷朔風

百二巖疆十二樓珠簾盡棟歲悠悠圖懸戲蝶風流改
檻納盤龍氣象收不斷仙梯扳杜老無多羌管祀桓侯
大江東去吳天遠浩蕩誰如萬里鷗

占星搗藥綴臺基蠟屐因循負壞碑廟食斷難容鄧艾
城成偏自說張儀定中纓珞垂千佛閩中廣元俱有千佛巖亂後
旌幢遣六師指王屏藩之叛爲聽海棠溪畔雨好邀太守醉留
詩

張桓侯墓

無命官終閩爲靈史諡桓兒童知俎豆寇盜避鞭彈虎
氣騰騰震龍雲翕翕蟠相依長大葆轉戰祇孤鞍蜀業
希全定吳盟憤遽寒復仇爭卷甲赴敵定衝冠肘腋中
宵變頭顱異國看咤聲銷項籍盤勢失陳安啼血英魂
慘招衣宅兆完紛紜書括地慷慨記登壇遺佩光芒在

羣譌姓字刊淒涼華表影故井路漫漫

義山詩關張無命欲何如四川

通志閬中梓潼俱有侯墓刀劍錄有侯刀讀書敏求記侯字益德益今譌翼謂與侯名合則與關公名亦合也

新儒太守餉餅及魚

屑乘環膏擣製精金盤堆送作人情

杜詩糶牧作人情

厨娘孤

負麻姑爪爲報吳均賦未成

嘉陵溜鱗魚難得白甲

魚名驚看出網偏長記江南二三

月銀刀喚買箸蓬船

香傳裂餅山農熟節勵懸魚郡守貧願向社公分點雨

細沾高樓潤枯鱗

時郡中望雨

將發閬州留別新儒太守

黛色山縈碧玉流，多君勸我賈胡留。
小同經義傳黃口，老杜詩情賺白頭。
東閣屢遷纔出守，西湖雖好漫歸休。
端明舊里田園少，免對香秔憶惠州。

曾蹋明光珥筆隨，紫薇花底散差池。
如何話雨巴山夜，未是銷烽雪嶺時。
荒驛點兵行役久，累城保障乞身遲。
來朝揮手臨鄴口，笑指廉名隔郡知。

夜度大侯埡

日落山鳥喧，征夫急投路。
崇岡蟠蚓蛇，十駕九偏誤。
積腥吹陰風，颯颯戰荒樹。
左右苦覆翻，上下亂洄溯。
列炬雖爛如萬象，自殫暮重關。
抗絕頂寥落，數家聚人聲雜。

犬聲側耳慰惶懼來程一迴眺尺寸入窘步明知前去
難馬力且傾注顧影短裘寒東峯月微吐

金峯寺

嵐翠沾遠村村盡寺門揭雙林冠孤峯扳蘿徑荒絕諸
天色相超趺坐味禪說日晴鐘鼓長風靜旌旛列前榮
試睇望衆嶺勢如玦離離珠斗聯泠泠玉帶折愛茲山
水滋謝彼煩惱熱籠壁是何人浮生緬勞轍

鹽亭

城外有文
湖州祠

馬首鹽亭渡人煙動晚晴半山圍小縣幾代廢孤城下
水舩歌穩分塲井稅輕鵝溪春絹白懷眺若爲情

發閩中至三臺作

閩州城郭勝丹青十日松堂對錦屏
海燕乍來人乍去玉臺無主思冥冥

東巖兄弟如龍虎山鬼衣裳滿薜蘿
誰識南巖舊池館蓮花蓮葉總無多

白沙翠竹霧濛濛西水分明是小潼
渡馬前坡還歇馬天元香火梵王宮

桑葉疎疎柘葉齊平田成畝峻成梯
浮嵐縹緲輕篴穩且住金峯覓舊題

犖确千山界路牌雙株爭露柏梁材
最憐白鷺翻風影

老鶴鳴霄不下來

靈山南上紫金山如帶
瀾江路幾灣爲酹湖州饒太守
凌雲閣下醉忘還

楊花柳絮糝春衣
新水溶溶沒釣磯
占斷層坡紅未了
木香紛搭野薔薇

桃花溪接稻花溝
短短茶亭倚驛樓
盪過涪江沙路軟
今朝馬背見牛頭

遂寧糖霜

昔聞摩揭陀妙演熬糖法
材從竿蔗徵瀋取木榨壓曝
汁事不煩爲霜製猶乏有
溪市成亥厥戶籍著甲橫根

接稜賴挺幹應期鋪去膚液尙含候火水相洽浮浮杏
粥百潑潑菽乳捐承盤詫菜鋪櫟釜記颯霄崢嶸假山
堆璀璨團枝夾砂脚如積蘇鑑面若褪匣雀子鹽失珍
鵝兒酒同狎貴紫誰所稱尙白世乃業土兼明福宜境
越潼綿狹茶病謝紛紛蜜甜喻恰恰早垂坡谷篇竝錄
洪邁王灼劄何日載吳船中冷沁教呬

二月十六日潼川試院念少鈍以是日自京歸
里

千山萬水素心同蛺蝶南園草色籠念爾今朝扶遠旒
全家幾路上孤篷麻衣葛帔干戈後碧血青燐俎豆中

莫倚江湖慣飄泊打頭何限孟婆風

茱萸灣口赴京船長記夔炫對影憐家具無多教互借
官書不少看同編故人慷慨真千古老我蹉跎近廿年
聞道諸郎爭誓墓一碑希附姓名傳

釜魚幕燕漸倉皇祭告哀哀幸勿忘薄宦未停發婦緯
比隣休議富翁墻東南初日瞳瞳轉西北浮雲浩浩翔
昨夜瞢騰微中酒還朝夢醒卽還鄉

潼川清波魚肥美過他處

鱗點銀華骨綴絲全蒸碎斫總相宜鄴江水靜潼江緩
况是楊花覆雪時

黑頭沙綠

俱魚名見益部方物贊

鱗材虛龍鼻津邊響夜漁一折

清波數巡酒小名好補益州書

潼川紀遊三首酬王明府東廬

蕩蕩龍頂門荒荒牛頭寺寺廢跡尙存汗漫引絲轡石
碣春水枯倒影鬱嵐翠如眠或如伏斤斧日尋至剡斲
兼熏燒酷烈甚黥劓斯首縱殯然誰牧復誰飢草樹慳
不萌冢域亂無次簣土垂大名實拜杜陵賜君家近臨
湣牛山迸殘泪爲言濯濯形風景適相類所幸臺構重
鬢人假豐髮爾牛真童童前言吾非戲

右牛頭山

三臺本非臺疊浪駭三激蒼然湧西郊縣名此由錫春
風吹袷衫取道挾茨荻向背蹤旋迷續斷望偏的雲頭
振刹竿欲上心轉惕八牕拓空空萬井窺歷歷雙江瀉
一杯南下建瓴甌包裹千萬山未必漏涓滴遶座自茶
瓜蔽門但楓櫟夙聞學道人丹竈守岑岑鶴語杳不傳
螺痕靚可靚眺古散鬱陶歸鞭隨牧笛

右三臺山

山骨排巒嶒楞楞然袒空腹洞門界朱闌湛湛閉寒綠鑑
影涵一奩珠光漾千斛不竭并不盈萬古蔽暉曝文魚
四五頭噓沫浪微蹙了無石竇穿豈異金盆蓄重龜證

三摩華鬘耀春日香燈麗陽阿水月吐涼澳投錢來衆
生泉底燦可掬庶幾被慈雲法雨洒原陸枯僧解我意
酌水淪苦菊靜聽叅廣長何煩喻瑟筑

右琴泉

與東廬入琴泉寺時村人爲觀音會觀劇

朱旗繡蓋屏傳呼麥淺桑濃儼畫圖笑指琴泉山寺湧
瘦筇幾節待親扶

雲廊法鼓響闐闐海會華嚴祖拜偏一抹春衫香霧底
歌聲齊簇四條絃

金人火獸眩青紅竹牖瓏玲別殿通勾得浮生間半日

帽簷吹上紙鷺風

十載修門木石腸旗亭睹唱感茫茫今朝悞入遊春隊
便惹遊人溢看場

白巖壩

午發城北門萬山擁圭撮鼈背無片苔荒磧莽轆轤清
江如綫來要解赤烏渴白沙縈遠村所向頓空闊曖曖
嵐霧橫蓬蓬水雲沾好風湧綠疇弄影上木末迢遙香
積場幾輩託衣盜巖下藝禾麻巖前種杉栢傍巖田父
居竹光護門闌攬巾感黃塵何時重披豁

寒食前抵綿州驛舍記去年亦以是日舍此

旬來山雨稀飛埃漲畦稜夷庚就左綿溝澌失汀濫乍
別猿門鐘復下馬嶺磴柳陰撐釣船呼渡響斯應偕行
三兩人適館坐圍定栗留啼漸闌鼠姑落無賸分明寒
食天風候故庭逕往歲轡嘗停今朝闌載凭鼎鼎百年
間有酒且持贈一派芙蓉溪春酣試乘興

漫波渡

讓水不可航廉泉不可汲驅馬臨漫波蒼茫感遙集謫
仙望隴西長庚夢投入談笑王侯輕識賞將相及區區
詩酒豪奚足當豎立白頭歸未成萬古照鄉邑匡山雲
覆覆涪江溜濤濤靈風何洒然禾黍動原隰豈論祠墓

存多恐鬼神泣青蓮出汗泥冉冉妙香襲

江油雜詩

龍州南下水粼粼野戍移來小縣貧惆悵棘陽兒過處
荒祠誰祀李夫人

漢壽城邊稅未停秦川間道走馱鈴溪靈不爲神仙尉
也放閑雲入古廳

天倉天柱曠躋扳石麵勺磨一飽慳種樹祇誇黃樹坎
求魚休問白魚山

長庚飛去歲三千書劍淹留愜靜便無數青楓沈鬼火
點燈山路獨飄然

連朝苦霧散迷濛
蕤熟蕎生卜歲豐
却怪清明花信早
竹闌落盡亞枝紅

屋後嵐光屋右城
鉤簾一笑眼雙明
東風入夜全無賴
亂打春灘作雨聲

贈平武教諭巴州王世浦蒼水

泮宮先生將家子
鵲印龍鈴棄如屣
學書豈爲記姓名
游宦無煩去鄉里
剛氏學舍低打頭
終朝一餐冬一裘
關尹五千雖有待
門監七十更何求
自言少小一人敵
日高超距夜鳴鏑
金梢飛裊雪鋒寒
滿樹梨花影團圞
昨年風鶴到成都
烏府相要禮數殊
恥遣尺書招贊普

願將寸組繫單于君看槍法通兵法進攻毋狃退毋乏
守已先從養氣叅乘人轉爲忘機洽落雁軍聲京國來
拂衣歸指講堂開挽强空負顏高譽倚重曾需劇孟才
弓腰帕首舊裝束久戴儒冠辭部曲虎魄當杯爛漫紅
苔文遠砌森沈綠蠹簡叢殘霜鬢深陰平閣道幾登臨
但尋黼黻卿雲手莫論衙官屈宋心

鄒雪泉明府招同秋塘六峯遊寶圖山作

圖山在南徐嘯與金焦副古戍稽江油是山姓以寶寶
仙字子明投簪隱巖構試看鼎竈遺尙闕香火壽三春
遲日妍千里走祈祐嘉遊彼詎知遠聯我早覲雙峯何

嶄然離立狀如鬥其下如崇墉言言亘高表幾疑大劍
關移鎖錯昏晝連朝天老晴蓬勃苦難漱薄陰披袷衣
西平渡懸溜餌炊麥隴香糞壅稻溝臭鳴雞吠蛤聞取
徑逐颺犬自登接待堂嵐采沐巾袖青桐霧氣涵白薇
露香透遂辭韓童去直向靈官叩螺旋歷幾層陡絕幸
不仆畧同粉堞排或學畫檐覆元氣所結成百頑欠一
秀漸聞鐘梵音齋房履青豆當面起危巒打頭探虛岫
花鳥寂無言相看益蒼瘦再上凌百盤欄楯冠鬣鬣兩
條碧玉簪森對若雙埃孰云劈斧皴將謂累丸湊譬以
磊落姿零星嵌敎就摩厓伎倅窮鍊石理誰究此閒眩

神鬼綠章待親奏載填橋繫繩俾運瓦通靈焉用千百
羣朝眞事炷灸守門鹿最馴歸路馬須驟孤僧送自厓
暮靄悵迷霧

觀雲巖寺僧天虛度鐵橋云每傳惟一人能渡
南厓北厓拙玉簪老死不邀遊屐臨寶眞鍊鐵長十尋
似橋非橋索非索分繫兩頭著雙脚別繫一條手斯託
下瞰萬丈行徑微不淵不礪無蛟夔蹉跌失勢身爲泥
戒僧骨瘦解飛渡脈脈跂跂等平路結香火緣永朝暮
彼岸琳宮方畝餘以鐵作瓦仙廼居打鐘伐鼓驚玉虛
其旁小山擬蓬島亦有鐵繩直如綬咄爾依然事焚埽

疾翻駭鳥高挂猿集木騎危兼肘跟代傳無二神祐尊
假神眩人聽頗倦巧者祇因習者便回人繩伎眼親見
鐵橋峯阻羅與浮天台石橋吾未遊虛乎雲巖期久留

歸抵綿州得澹園見和金泉山詩竝言與拙詩
刻石爲亭賦答二絕促拱亭同和

金泉山頂留詩別昨次東津見和篇五步笠亭兩圭碣
祇應破損沈郎錢

朝籌屏屨暮儲胥吳體卑卑劇棄予莫比羊何勝亂酒
褚公兼有絕倫書